

六  
典  
通  
考

六典通考卷一百四十一

湖西閻鎮珩輯

司天考

占候

保章氏掌天星以志日月星辰之變動以觀天下之遷辨其

吉凶

志記也五星有贏縮圓角日有薄食運珥月有盈虧勝劍匿之變七者右行列舍天下禍福變移所在皆見焉

以星土辨九州之地所封封域皆有分星以觀妖祥星土星

也封猶界也春秋傳曰參爲晉星商主大火屬以十有二歲

之相觀天下之妖祥歲謂太歲歲星與日同次之月斗所建

左行於地十二歲而小周其妖以五雲之物辨吉凶水旱降

解之占甘氏歲星經其遺象也以五雲之物辨吉凶水旱降

豐荒之稜象物色也視日旁雲氣之色降下也知水旱所下

兵荒黑爲以十有二風察天地之和命乖別之妖祥  
水黃爲豐十有二風皆有  
風吹其律凡此五物者以詔救政訪序事  
以知和不見其象則當預爲  
政且謀今年天之備以詔王教其  
時占相所宜

### 五星

古法推步五緯不知變之加減北齊張子信仰觀歲久  
知五緯有盈縮之變當加減以求逐日之躔蓋五緯出  
入黃道內外各自有其道觀日遠近爲遲疾其變數之  
加減如里路之徑直斜曲也宋人有言曰五星行度惟  
畱退之際最多差自內而進者其退必向外自外而進  
者其退必由內其迹如循柳葉兩末銳於中間往還之  
道相去甚遠故星行兩末度稍遲以其斜行故也中行

度稍速以其徑捷故也測驗之法每夜昏曉夜半月及五星所在度秒置簿錄之滿五年其間去陰雲晝見日數外可得三年實行

詩小雅大東東有啟明西有長庚

朱子集傳啟明長庚皆金星也先日而出謂之啟明

後日而入謂之長庚蓋金水二星常附日行

周語昔武王

而或先或後但金大水小故獨以金星爲言

伐殷歲在鶉火歲星鶉火星在天龍星辰星天龍次名一度爲天龍

至危十五

晉語董因曰君之行也歲在大火謂魯僖公五年且以

辰出以參入必霸諸侯

辰大火也參伐也參在實沈之次

重耳處狄十二年而行過衛五鹿乞食于壻人壻人舉塊以與之子犯曰天

事必象十有二年必獲此土二三子志之歲在壽星及鶉尾

其有此土乎天以命矣復於壽星必獲諸侯天之道也

歲在壽星

魯僖十六年也後十一年魯僖二十七年歲在鶡尾二十八年歲復在壽星晉文公伐衛正月戊申取五鹿周正月乃夏十一月也故歲在鶡尾二十八年文公左傳晉侯以公宴

敗楚師于城濮王策命之以爲侯伯于河上問公年季武子對曰會于沙隨之歲寡君以生晉侯

曰十二年矣是謂一終一星終也歲星十二歲而一周天於子矯之

卒也將葬公孫揮與裨竈晨會事焉過伯有氏其門上生莠

子羽曰其莠猶在乎於是歲在降婁降婁中而旦降婁奎婁也周七月

今五月降婁中而天明裨竈指之曰猶可以終歲猶降婁也歲星十二年而一周歲不

及此次也已及其亡也歲在媿訾之口媿訾營室東壁也二

枵今三十年在媿訾是其明年乃及降婁吳伐越始用師

于越史墨曰不及四十年越其有吳乎歲星三周三十六歲故曰不及四十年哀

二十二年起滅吳越得歲而吳伐之必受其凶此年歲在星紀星紀吳越

至此三十八歲

之分也歲星所在其國有  
爾雅壽星角亢也數起角亢列

壽天根氏也角亢下繫于氏天駟房也龍天馬也故房大辰

房心尾也龍星明者以爲大火謂之大辰大火在中最明析

木之津箕斗之間漢津也龍尾斗南斗星紀斗牽牛也牛

斗者日月五星之所終始故謂之星紀元枵虛也虛在正北方色黑顛頊之

虛虛也顛頊水德北陸虛也虛星之營室調之定定正也作

營室之中爲正媿觜之口營室東壁也營室東壁星四降婁婁星也

奎爲溝瀆故名降大梁昴也西陸昴也昴西方之宿濁謂之畢掩免

或呼爲濁因味謂之柳味朱鳥柳鶉火也鶉鳥名火河鼓謂

星形以名星之牽牛荆楚人呼牽牛星爲檐鼓檐者荷也

爾雅十二次闕實沈鶉首鶉尾實沈參也牧星參也鶉

首東井輿鬼也鶉尾軫也龍角謂之靈星婺女謂之頹  
女尾謂之依昴謂之畱軫謂之帑營室謂之大水娥觜  
之口謂之豕韋元枵謂之天竈壽星大火之津東陸也  
星紀元枵娥觜之口北陸也降婁大梁實沈西陸也鶉  
首鶉火鶉尾南陸也軫至氏曰壽星氏至尾曰大火尾  
至南斗曰析木之津南斗至婺女曰星紀婺女至危曰  
元枵危至東壁曰娥觜之口東壁至婁曰降婁婁至畢  
曰大梁畢至東井曰實沈東井至柳曰鶉首柳至張曰  
鶉火張至軫曰鶉尾建星星紀之維首也婺女元枵之  
維首也虛北陸之中也

星備歲星一日行十二分度之一十二歲而周天熒惑日行

三十三分度之一三十三歲而周天鎮星日行二十八分度  
之一二十八歲而周天太白日行八分度之一八歲而周天  
辰星日行一度一歲而一周天

此條見周禮疏所云熒惑三十三歲一周天太白八歲一

周皆疎謬

漢志木壹見三百九十八日五百一十六萬三千一百二分  
行星三十三度三百三十三萬四千七百三十七分通其率  
故曰日行千七百二十八分度之百四十五金壹復五百八  
十四日百二十九萬五千三百五十二分行星亦如之故曰  
日行一度土壹見三百七十七日千八百三萬二千六百二  
十五分行星十二度千三百二十一萬五百分通其率故曰  
日行四千三百二十十分度之百四十五火壹見七百八十日



千五百六十八萬九千七百分行星四百十五度八百二十一萬八千五分通其率故曰日行萬三千八百二十四分度之七千三百五十五水壹復百一十五日一億二千二百二萬九千六百五分行星亦如之故曰日行一度

後漢書志月有晦朔星有合見月有弦望星有留逆其歸一也步術生焉金水承陽先後日下速則先日遲則後留留而後逆逆與日違違而後速速與日競競又先日遲速順逆晨夕生焉見伏有日留行有度而率數生焉差參齊之多少均之會數生焉

秦蕙田曰五星合見之行皆由距日而生星與日同度謂之合星光爲日所掩故伏而不見如月之合朔也既合以

後星行遲日行速星在日後故晨見東方如月之生明東方也始見順行最疾已而漸遲及距日一象限而留不行如月之上弦也既留之後星始退行由遲而疾距日半周謂之衝日如月之望也衝日以後星之退行由疾而遲日又漸與星近至距日一象限而復留不行如月之下弦也既留之後又復順行由遲而疾去日漸近復與日同度而伏是爲一終合伏以後星後于日謂之晨見衝日以後星先于日謂之夕見此土木火伏見之理也金水之行速於日無與日衝之時方其與日同度亦爲合伏既合之後星速日遲星在日前故夕見西方始見順行由疾而遲距日漸遠始留不行自是漸退行亦由遲而疾復與日同度而

伏謂之退合退合以後星在日後故晨見東方退行由疾而遲距日漸遠復留不行自是復順行由遲而疾追及於日復與同度而伏是爲一終土木火有合有衝金水有晨夕兩合此其異也秦漢之際古法失傳班固天文志以爲五星無逆行之理乃天變使然由未明數術故也劉歆三統術始有五步之術四分術因之又以月之晦朔弦望與星之合見留逆爲例其理最確

晉書志五星者木曰歲星火曰熒惑土曰填星金曰太白水曰辰星凡五星之行有遲有疾有留有逆遲疾留逆互相遞及星與日會同宿其度則謂之合從合至合之日則謂之終隋張胄元曰辰星平晨見在雨水者應見卽不見若平晨見

在啟蟄者去日十八度外三十六度內辰有木火土金一星者亦相隨見五星遲速畱退真數多者差八十餘日畱回所在亦差八十餘度卽如熒惑前疾初見在立冬初則二百五十日行一百七十七度定見夏至初則一百七十日行九十二度

宋史志五星見伏皆以日度爲規日度之運旣進退不常星行之差亦隨而增損是以五星見伏先考日度之行今則審

日行盈縮究星躔進退五星見伏率皆密近

舊說水星晨應見不見在雨水

後穀雨前夕應見不見在處暑後霜降前又云五星在卯西南則見遲伏早在卯西北則見早伏遲蓋天勢使然

明崇禎六年李天經進五緯之議三曰五星應用太陽視行不得以段日定之蓋五星皆以太陽爲主與太陽合則疾

行衝則退行且太陽之行有遲疾則五星合伏日數時算時多自不可以段目定其度分二日五星應加緯行蓋五星出入黃道各有定距度又木土火三星衝太陽緯大合太陽緯小金水二星順伏緯小逆伏緯大三日測五星當用恆星爲準則蓋測星用黃道儀外宜用弧矢等儀以所測緯星視距二恆星若干度分依法布算方得本星眞經緯度分或繪圖亦可免算

五星平行以下皆新法

土星以五十九年又一日四分日之一弱行次行圈五十七周會日五十七次對衝亦五十七次行周天二周又一度四十三分木星以七十七年不及四日又六十分日之五十四行次行圈六十

五周星行本圈六周不及四度又五十分火星以七十九年又三日六十分日之一十六行次行圈三十七周經周行四十二周又三度一十分右三星皆于中積年數減本星次行之周數其較爲星本行周天之數金星以八年不及二日又六十分日之一十八行次行圈五周水星以四十六年又一日六十分日之三行次行圈一百四十五周其平行皆與太陽同

五星順逆留疾

凡星在小輪極遠之所必合太陽其行順而疾其體見小凡在小輪極近之所其行逆而疾其體見大土木火行逆則衝太陽金水行逆夕復而合行順晨伏而合其各順行轉逆逆

行轉順之兩中界爲留留非不行乃際于極運行之所也留  
段前後或順或逆皆有運行其土木火行逆卽衝太陽而金  
水則否者緣土木火之本天大皆以太陽爲心而不包地不  
能衝太陽也金水不能衝太陽而能與之離金離太陽四十  
八度水離二十四度梅文鼎曰七政皆從天以生本輪而月  
五星又從乎日以生次輪天西行故七政之本輪皆從天而  
西轉其行皆向最高也日月五星之在本輪俱象本天最高  
其本輪心離最高一度本輪周亦行  
一度以日天東移故月五星之合望次輪皆從日而東運其  
爲所攝日天東移故月五星之合望次輪皆從日而東運其  
行皆向日也月五星離日若干次輪度  
亦行若干是爲日所攝惟本輪從天于是有  
最高卑之加減而其行度必始于最高本輪行始于本天最  
高而均輪卽始于本  
輪之最高卑故本輪均輪至最  
高卑皆無加減爲起算之端惟次輪從日于是有離日之

加減而其行度必始于會日

月次輪行始于朔望星次輪始于合伏故月至朔望五星合日

沖日皆無次輪加減

是故七政皆以半周天之宿度行縮律半周天之

宿度行盈律閱宿度三百六十而本輪一周起最高終最高

也

因最高有行分故視周天稍贏然大致不變月之遲疾亦然

次輪則月以閱黃道一周

而又過之凡三百八十九度奇而行二周起朔望終朔望也

五星歲輪

即次輪

則土以行黃道十二度奇木以三十三度奇

火以四百八度奇金以五百七十五度奇水以一百十四度

奇而皆一周起合伏終合伏也

### 五星交周緯度

本道外之歲行小輪恆與黃道爲平行而又斜交於本道其上半恆在黃本二道中凡星躔於此則加其緯然此小輪之



緯向則恆不變如土星三十年行天一周其在正中二交之下必無緯度分十五年恆北十五年恆南耳凡衝太陽因在小輪下半卽加本道緯度凡會太陽因在小輪上半卽減緯度他星亦猶是也其或行近於地小輪加緯益多太白至夕伏合之際因其近地其緯幾及八度矣金星或合太陽而不伏水星離太陽而不見蓋金緯甚大凡逆行緯在北七度餘而合太陽於壽星大火二宮則雖與日合其光不伏故一日晨夕兩見水緯僅四度餘設令緯向是南合太陽於壽星嗣後雖離四度夕猶不見合太陽於降婁嗣後雖離四度晨猶不見二者用渾儀一測便見

分星

鄭康成云堪輿雖有郡國所入度非古數也今其存可言者十二次之分也星紀吳越也玄枵齊也娵訾衛也降婁魯也大梁趙也實沈晉也鶉火周也鶉尾楚也壽星鄭也大火宋也析木燕也此分野之妖祥主用客星彗孛之氣爲象

左傳昔高辛氏有二子伯曰閼伯季曰實沈居于曠林不相

能也日尋干戈以相征討后帝不藏后帝堯也遷閼伯于商丘主

辰商丘宋地商人是因故辰爲商星遷實沈于大夏主參大夏今晉

陽縣唐人是因以服事夏商及成王滅唐而封大叔焉故參

爲晉星 晉士弱曰古之火正或食于心或食于味以出內

火是故味爲鶉火心爲大火陶唐氏之火正閼伯居商邱祀

大火而火紀時焉相土因之故商主大火商人閱其禍敗之

數必始于火

詳火政篇

襄公二十八年春無冰梓慎曰今茲宋

鄭其饑乎歲在星紀而淫于元枵

星紀在丑斗牛之次元枵在子虛危之次十八年歲

星在亥至此十一歲故在星紀明年乃當在元枵今已在元枵淫行失次以有時蓄陰不堪陽蛇

乘龍龍宋鄭之星也宋鄭必飢元枵虛中也枵耗名也土虛

而民耗不飢何爲 裨竈曰今茲周王及楚子皆將死歲棄

其次而旅於明年之次以害鳥帑周楚惡之

歲星棄星紀之次客在元枵歲

星失次于北禍衝在西南爲朱鳥鳥尾日帑周楚之分

昭公八年晉侯問於史趙曰

陳其遂亡乎對曰未也公曰何故對曰陳顓頊之族也歲在

鶉火是以卒滅陳將如之

顓頊氏以歲在鶉火而滅火盛而水滅

今在析木之

津猶將復由

箕斗之間有天漢故謂之析木之津由用也

九年夏四月陳災鄭

神龜曰五年陳將復封封五十二年而遂亡子產問其故對

曰陳水屬也火水妃也而楚所相也今火出而火陳逐楚而

建陳也如以五成故曰五年歲五及鶉火而後陳卒亡楚克

有之天之道也故曰五十二年是歲歲在星紀五歲及大梁而陳復封自大梁四歲而及

鶉火後四周四十八歲凡五及鶉火五十二年十年春王正

月有星孛于婺女鄭神龜曰今茲歲在顓頊之虛顓頊之虛謂元枵

姜氏任氏實守其地姜齊姓任薛姓二國守元枵之地居其維首而有妖星

焉客星居元枵之維首十七年冬有星孛于大辰西及漢梓慎曰宋

大辰之虛也大辰大火宋分野陳太皞之虛也太皞居陳木火所自出鄭祝融

之虛也祝融高辛氏皆火房也房舍星孛天漢漢水祥也天

也術顓頊之虛也故爲帝邱衛今濮陽縣其星爲大水衛居營室

也

營室 春秋緯文耀鉤布度定記分州繫象華岐以西龍門

積石至三危之野雍州屬魁星大行以東至碣石王屋砥柱  
冀州屬樞星三河雷澤東至海岱以北兖州青州屬機星蒙  
山以東至南江會稽震澤徐揚之州屬權星大別以東至雷  
澤九江荊州屬衡星荊山西南至岷山北岷鳥鼠梁州屬開  
星外方熊耳以至泗水陪尾豫州屬搖星

賈公彥曰吳越在南齊魯在東今歲星或北或西不依國  
地所在經傳所言乃古受封口歲星所在之辰國屬焉故  
也吳越二國同年度受封故同次

角亢氏沈州房心豫州箕尾幽州斗江湖牽牛婺女揚州虛  
危青州營室東壁并州奎婁胃徐州昴畢冀州訾觜參益州

東井輿鬼雍州柳七星張三河翼軫荊州甲乙海外日月不

占海外遠甲乙日

丙丁江淮海岱戊己中州河濟庚辛華山

以西壬癸常山以北一曰甲齊乙東夷丙楚丁南夷戊魏己

韓庚秦辛西夷壬燕趙癸北夷子周丑翟寅趙卯鄭辰邯鄲

巳衛午秦未中山申齊酉魯戌吳越亥燕代秦之疆候太白

占狼弧吳楚之疆候熒惑占烏衡燕齊之疆候辰星占虛危

宋鄭之疆候歲星占房心晉之疆亦候辰星占參罰及秦并

吞三晉燕代自河山以南者中國中國于四海內則在東南

爲陽陽則日歲星熒惑填星占于街南舉主之其西北則胡

貉月氏旃裘引弓之民爲陰陰則月太白辰星占于街北昴

主之故中國山川東北流其維首在隴蜀尾沒于勃海碣石

是以秦晉好用兵

秦晉西南維之北爲陰與胡  
絮引弓之民同故好用兵

復占太白太

白主中國而胡貉數侵掠獨占辰星辰星出入趨疾常主夷

狄其大經也

右班固取三統歷十二次配十二野

地理志秦爲輿鬼東  
井之分野魏爲紫微

參之分野周爲柳七星張韓爲角亢氏趙爲畢昴燕爲尾

箕齊爲虛危魯爲奎婁宋爲房心衛營室東壁楚爲翼軫

吳爲斗粵爲牽牛婺女

自軫十二度至氏四度爲壽星于辰在辰鄭之分野屬兗州

費直周易分野壽星起軫七度  
蔡邕月令章句壽星起軫七度

自氏五度至尾九度爲大火

于辰在卯宋之分野屬豫州

費直起氏十一度  
蔡邕起亢八度

自尾十度至

南斗十一度爲析木于辰在寅燕之分野屬幽州

費直起尾  
九度蔡邕

起尾自南斗十二度至須女七度爲星紀于辰在丑吳越之

四度

分野屬揚州

費直起斗十度  
蔡邕起斗六度

自須女八度至危十五度爲玄

枵于辰在子齊之分野屬青州

費直起女六度  
蔡邕起女二度

自危十六度

至奎四度爲娵訾于辰在亥衛之分野屬并州

費直起危十度  
蔡邕起危十度

危十自奎五度至胃六度爲降婁于辰在戌魯之分野屬徐

州

費直起奎二度  
蔡邕起奎八度

自胃七度至畢十一度爲大梁于辰在酉

趙之分野屬冀州

費直起婁十度  
蔡邕起婁一度

自胃十二度至東井十五

度爲實沈于辰在申魏之分野屬益州

費直起畢九度  
蔡邕起畢六度

自東

井十六度至柳八度爲鶉首于辰在未秦之分野屬雍州

起井十二度  
蔡邕起井十度

自柳九度至張十六度爲鶉火于辰在午周

之分野屬三河

費直起柳五度  
蔡邕起柳三度

自張十七度至軫十一度爲

鶉尾于辰在巳楚之分野屬荊州

費直起張十三度  
蔡邕起張十二度

州郡躔



次陳卓范蠡鬼谷先生張良諸葛亮譙周京房張衡並云角  
亢氏鄭兗州東郡入角一度東平任城山陰入角六度泰山  
入角十二度濟北陳畱入亢五度濟陰入氏一度東平入氏  
七度房心宋豫州潁川入房一度汝南入房二度沛郡入房  
四度梁國入房五度淮陽入心一度魯國入心三度楚國入  
房四度尾箕燕幽州涼州入箕中十度上谷入尾一度潁陽  
入尾三度右北平入尾七度西河上郡北地遼西東入尾十  
度涿郡入尾十六度渤海入箕一度樂浪入箕三度玄菟入  
箕六度廣陽入箕九度斗牽牛須女吳越揚州九江入斗一  
度廬江入斗六度豫章入斗十度丹楊入斗十六度會稽入  
牛一度臨淮入牛四度廣陵入牛八度泗水入女一度六安

入女六度虛危齊青州齊國入虛六度北海入虛九度濟南  
入危一度樂安入危四度東萊入危九度平原入危十一度  
蕃川入危十四度營室東壁衛并州安定入營室一度天水  
入營室八度隴西入營室四度酒泉入營室十一度張掖入  
營室十二度武都入東壁一度金城入東壁四度武威入東  
壁六度敦煌入東壁八度奎婁胄魯徐州東海入奎一度琅  
琊入奎六度高密入婁一度城陽入婁九度膠東入胄一度  
昴畢趙冀州魏郡入昴一度鉅鹿入昴三度常山入昴五度  
廣平入昴七度中山入昴一度清河入昴九度信都入畢三  
度趙郡入畢八度安平入畢四度河間入畢十度眞定入畢  
十三度觜參魏益州廣漢入觜一度越巂入觜三度蜀郡入

參一度犍爲入參三度犛犛入參五度巴郡入參八度漢中  
入參九度益州入參七度東井輿鬼秦雍州雲中入東井一  
度定襄入東井八度鴈門入東井十六度代郡入東井二十  
八度太原入東井二十九度上黨入輿鬼二度柳七星張周  
三輔弘農入柳一度河南入七星三度河東入張一度河內  
入張九度翼軫楚荊州南陽入翼六度南郡入翼十度江夏  
入翼十二度零陵入軫十一度桂陽入軫六度武陵入軫十  
度長沙入軫十六度

右魏晉諸家所論分野纏次

隋志九坎東列星北一星曰齊齊北二星曰趙趙北一星曰  
鄭鄭北一星曰越越東二星曰周周東南北列二星曰秦秦

南二星曰代代西一星曰晉晉北一星曰韓韓北一星魏魏西一星曰楚楚南一星曰燕其星有變各以其國

唐貞觀中李涪風撰法象志因漢書十二次度數始以唐之州縣配焉僧一行以爲天下山河之象存乎兩戒星傳謂北戒爲胡門南戒爲越門于天象則引農分陝爲兩河之會五服諸侯在焉自陝而西爲秦涼北紀河山之曲爲晉代南紀山河之曲爲巴蜀皆負險用武之國也自陝而東山川中嶽爲成周西距外方大伾北至于濟南至于淮東達鉅野爲宋鄭陳蔡河內及濟水之陽爲鄴衛漢東濱淮水之陰爲申隨皆四戰用文之國也北紀之東至北河之北爲邢趙南紀之東至南河之南爲荆楚自北河下流南趾距岱山爲三齊夾

右碣石爲北燕自南河下流北距岱山爲鄒魯南涉江淮爲  
吳越皆負海之國貨殖之所阜也自河源循塞垣北東及海  
爲戎狄自江源循嶺徼南東及海爲蠻越觀兩河之象與雲  
漢之所始終而分野可知矣于易五月一陰生而雲漢潛萌  
于天稷之下進及井鉞間得坤維之氣陰始達于地上而雲  
漢上升始交于列宿七緯之氣通矣東井據百川上流故鶉  
首爲秦蜀墟得兩戒山河之首雲漢達坤維右而漸升始居  
列宿上觜觿參伐皆直天關表而在河陰故實沈下流得大  
梁距河稍遠涉陰亦深故其分野自漳濱卻負恆山居北紀  
眾山之東南外接髦頭地皆河外陰國也十月陰氣進踰乾  
維始上達于天雲漢至營室東壁間升氣悉究與內規相接

故自南正達于西正得雲漢升氣爲山河上流自北正達于東正得雲漢降氣爲山河下流媿訾在雲漢升氣中居水行正位故其分野當中州河濟間且王良闔道由紫垣絕漢抵營室上帝離宮也內接成周河內皆豕韋分十一月一陽生而雲漢漸降退及艮維始下接于地至斗建間復與列舍氣通于易天地始交泰象也踰析木津陰氣益降及大辰升陽之氣究而雲漢沈潛于東正之中故易雷出地曰豫龍出泉爲解皆房心象也星紀得雲漢下流百川歸焉析木爲雲漢末派山河極焉故其分野自南河下流窮南紀之曲東南負海爲星紀自北河末派窮北紀之曲東北負海爲析木負海者以其雲漢之陰也唯媿訾內接紫宮在王畿河濟間降婁

玄枵與山河首尾相遠隣顛頊之墟故爲中州負海之國也  
其地當南河之北北河之南界以岱宗至于東海自鶉首踰  
河戒東曰鶉火得重離正位軒轅之祇在焉其分野自河華  
之交東接祝融之墟北負河南及漢蓋寒燠之所均也自析  
木紀天漢而南曰大火得明堂升氣天市之都在焉其分野  
自鉅野岱宗西至陳畱北負河濟南及淮皆和氣之所布也  
陽氣自明堂漸升達于龍角曰壽星龍角謂之天關于易氣  
以陽決陰夬象也升陽進踰天關得純乾之位故鶉尾直建  
巳之月內列太微爲天廷其分野自南河以負海亦純陽地  
也壽星在天關內故其分野在商亳西南淮水之陰北連太  
室之東自陽城際之亦巽維地也夫雲漢自坤抵艮爲地紀

北斗自乾攜巽爲天綱其分野與帝車相直皆五帝墟也究咸池之政而在乾維內者降婁也故爲少昊之墟叶北宮之政而在乾維外者媿訾也故爲顓頊之墟成攝提之政而在巽維內者壽星也故爲太昊之墟布太微之政而在巽維外者鶉尾也故爲列山氏之墟得四海中承太階之政者軒轅也故爲有熊氏之墟木金得天地之微氣其神治于季月水火得天地之章氣其神治于孟月故章道存乎至微道存乎終皆陰陽變化之際也若微者沈潛而不及章者高明而過亢皆非上帝之居也斗杓謂之外廷陽精之所布也斗魁謂之會府陽精之所復也杓以治外故鶉尾爲南方負海之國魁以治內故媿訾乃爲中州四戰之國其餘列舍在雲漢之



陰者八爲負海之國在雲漢之陽者四爲四戰之國降婁玄  
枵以負東海其神主于岱宗歲星位焉星紀鶉尾以負南海  
其神主于衡山熒惑位焉鶉首實沈以負西海其神主于華  
山太白位焉大梁析木以負北海其神主于恆山辰星位焉  
鶉火大火壽星豕韋爲中州其神主于嵩邱鎮星位焉近代  
諸儒言星土者或以州或以國虞夏秦漢郡國廢置不同周  
之興也王畿千里及其衰也僅得河南七縣今又天下一統  
而直以鶉火爲周分則疆場舛矣當七國之初天下地形雌  
韓而雄魏魏地西距高陵盡河東河內北固障鄴東分梁宋  
至于汝南韓據全之地地南盡潁川南陽西達虢略距函谷  
固宜陽北連上地皆繇互數州相錯如繡考雲漢山河之象

多者或至十餘宿其後魏徙大梁則西河合于東井秦拔宜陽而上黨入于輿鬼方戰國未滅時星家之言屢有明效今則同在畿甸之中矣而或者猶據漢書地理志推之是守甘石遺術而不知變通之數也又古之辰次與節氣相係各據當時曆數與歲差遷徙不同今更以七宿之中分四象中位自上元之首以度數紀之而著其分野其州縣雖改隸不同但據山河以分爾須女虛危玄枵也初須女五度餘二十三百七十四秒四少中虛九度終危十二度其分野自濟北東踰濟水涉平陰至于山荏循岱岳眾山之陰東南及高密又東盡萊夷之地得漢北海千乘淄川濟南齊郡及平原渤海九河故道之南濱于碣石古齊紀祝瀆于萊譚寒及斟尋有

過有鬲蒲姑氏之國其地得陬訾之下流自濟東達于河外故其象著爲天津絕雲漢之陽凡司人之星與羣臣之錄皆主虛危故岱宗爲十二諸侯受命府又下流得婺女當九河末派比于星紀與吳越同占營室東壁陬訾也初危十三度餘二千九百二十六秒一太中營室十二度終奎一度自王屋太行而東得漢河內至北紀之東隅北負漳鄴東及館陶聊城又自河濟之交涉滎波濱濟水而東得東郡之地古邯鄲衛凡邢邴雍共微觀南燕昆吾豕韋之國自閣道王良至東壁在豕韋爲上流當河內及漳鄴之南得山河之會爲離宮又循河濟而東接玄枵爲營室之分奎婁降婁也初奎二度餘千二百一十七秒十七少中婁一度終胃三度自蛇邱

肥城南屆鉅野東達梁父循岱岳眾山之陽以負東海又濱泗水經方與沛留彭城東至于呂梁乃東南抵淮並淮水而東盡徐夷之地得漢東平魯國琅邪東海泗水城陽古魯薛邾莒小邾徐邾郟邾邳邾任宿須句顓臾牟遂鑄夷介根牟及大庭氏之國奎爲大澤在陬訾下流當距野之東陽至于淮泗婁胄之墟東北負山蓋中國膏腴地百穀之所阜也胄得馬牧之氣與冀之北土同占胄昴畢大梁也初胄四度餘二千五百四十九秒入太中昴六度終畢九度自魏郡濁漳之北得漢趙國廣平鉅鹿常山東及清河信都北據中山真定全趙之分又北逾眾山盡代郡雁門雲中定襄之地與北方羣狄之國北紀之東陽表襄山河以蕃屏中國爲畢分循

北河之表西盡塞垣皆鼯頭故地爲昴分冀之北土馬牧之所蕃庶故天苑之象存焉鶡鶩參伐實沈也初畢十度餘八百四十一秒四十一中參七度終東井十一度自漢之河東及上黨太原西河之地古晉魏虞唐耿揚霍冀黎郇與西河戎狄之國西河之濱所以設險限秦晉故其地上應天闕其南曲之陰在晉地眾山之陽南曲之陽在秦地眾山之陰陰陽之氣并故與東井通河東永樂芮城河北縣及河曲豐勝夏州皆東井之分參伐爲戎索爲武政當河東盡大夏之墟上黨次居下流與趙魏接爲鶡鶩之分東井與鬼鶡首也初東井十二度餘二千一百七十二秒十五太中東井二十七度終柳六度自漢三輔及北地上郡安定西自隴坻至河右

西南盡巴蜀漢中之地及西南夷犍爲越嶲益州郡極南河  
之表東至牂柯古秦梁剛芮畢駘杠有扈密須庸蜀羌髳之  
國東并居兩河之陰自山河上流當地絡之西北與鬼居雨  
河之陽自漢中東盡華陽與鶉火相接當地絡之東南鶉首  
之外雲漢潛流而未達故狼星在江河上源之西弧矢雞犬  
皆徼外之備也西羌吐蕃吐谷渾及西南徼外夷人皆占狼  
星柳七星張鶉火也初柳七度餘四百六十四秒七少中七  
星七度終張十四度北自滎澤滎陽並京索暨山南得新鄭  
密縣至外方東隅斜至方城抵桐柏北自宛葉南暨漢東盡  
漢南陽之地又自雒邑負北河之南西及函谷逾南紀達武  
當漢水之陰盡弘農郡以淮源桐柏東陽爲限而申州屬壽

星古成周貌鄭管鄧東貌密滑焦唐隨申鄧及祝融氏之都  
新鄭爲軒轅祝融之墟其東鄩則入壽星柳在輿鬼東又接  
漢源當商洛之陽接南河上流七星係軒轅得土行正位中  
岳象也河南之分張直南陽漢東與鶉尾同占翼軫鶉尾也  
初張十五度餘千七百九十五秒二十二太中翼十二度終  
軫九度自房陵白帝而東盡漢之南郡江夏東達廬江南部  
濱彭蠡之西得長沙武陵又逾南紀盡鬱林合浦之地自沅  
湘上流西達黔安之左皆全楚之分自富昭象龔繡容白廉  
州已西亦鶉尾之墟古荆楚鄩都羅權巴夔與南方蠻貊之  
國翼與昧張同象當南河之北軫在天關之外當南河之南  
其中一星主長沙逾嶺徼而南爲東甌青邱之分安南諸州

在雲漢上源之東陽宜屬鶉火而柳七星張皆當中州不得連負海之地故麗于鶉尾角亢壽星也初軫十度餘八十七秒十四少中角八度終氏一度自原武管城濱河濟之南東至封邱陳畱盡陳蔡汝南之地逾淮源至于弋陽西涉南陽郡至于桐柏又東北抵嵩之東陽中國地絡在南北河之間首自西傾極于陪尾故隨申光皆豫州之分宜屬鶉火古陳蔡許息江黃道柏沈賴蓼須頓胡防弦厲之國氏涉壽星當洛陽眾山之東與亳土相接次南直潁水之間曰太昊之墟爲亢分又南涉淮氣連鶉尾在成周之東陽爲角分氏房心大火也初氏二度餘千四百一十九秒五太中房二度終尾六度自雍邱襄邑小黃而東循濟雍界于齊魯右泗水達于



呂梁乃東南接大昊之墟盡漢濟陰山陽楚國豐沛之地古  
宋曹邨滕茅郟蕭葛向城偃陽申父之國商亳負北河陽氣  
之所升也爲心分豐沛負南河陽氣之所布也爲房分其下  
流與尾同占西接陳鄭爲氏分尾箕析木津也初尾七度餘  
二千七百五十秒二十一少中箕五度終南斗八度自渤海  
九河之北得漢河間涿郡廣陽及上谷漁陽右北平遼西遼  
東樂浪玄菟古北燕孤竹無終九夷之國尾得雲漢之末派  
龜魚麗焉當九河之下流濱于渤碣皆北紀之所窮也箕與  
南斗相近爲遼水之陽盡朝鮮三韓之地在吳越東南斗牽  
牛星紀也初南斗九度餘千四十二秒十二太中南斗二十  
四度終女四度自廬江九江負淮水南盡臨淮廣陵至于東

海又通南河得漢丹陽會稽豫章西濱彭蠡南涉越門訖蒼  
梧南海逾嶺表自韶廣以西珠崖以東爲星紀之分也古吳  
越羣舒廬桐六蓼及東南百越之國南斗在雲漢下流當淮  
海間爲吳分牽牛去南河寔遠自豫章迄會稽南逾嶺徼爲  
越分島夷蠻貊之人聲教所不暨皆係于狗國云

宋志東蕃十一星南一曰宋二曰南海三曰燕四曰東海五  
曰徐六曰吳越七曰齊八曰中山九曰九河十曰趙十一曰  
魏西蕃十一星一曰韓二曰楚三曰梁四曰巴五曰蜀六曰  
秦七曰周八曰鄭九曰晉十曰河間十一曰河中

蘇伯衡曰左氏謂熒惑守心宋景禳其咎實沈爲祟晉侯  
受其殃鄭氏謂分野之妖祥主用客星彗孛之氣其法蓋

古有之然吳越地南而星紀則在丑齊地東而亥枵則在子魯地亦東而降婁則在戌東西南北往往相反而不相配是誠有可疑者杜註旣莫能詳而鄭氏謂諸中國封域于星亦有分焉其書亡矣唐天文志浮圖一行皆以河漢爲言固以疏遠及賈公彥輩乃援古昔受封之日歲星所在之辰其國屬焉以爲證嘗試論之分野視分星古不謂地也天有三垣紫微太微將相輔佐之位而天市下垣則列國星宿所在其星東西二十有二宋南海燕東海徐吳越齊中山九河趙魏韓楚梁巴蜀秦周鄭晉河間河中曰分野者指列星所屬之分而言鄭氏所謂星所主土是也其國在此而星則在彼彼此若不相配而其爲象未嘗不

相屬列國之在天下縱橫不齊猶犬牙然而欲以其地之不齊者求合乎在天分野之整然彼此之不相配無足怪者甚者至于天之北極爲天之首其體及背故有吳北魯東之差易不云乎在天成象在地成形夫齊吳燕宋韓楚周秦魏趙諸國之地地之形也而其星在天象之謂也東海南海九河河間河中中山巴蜀非若諸國之顯而地有是形則天有是星分野者指列星所屬之分蓋天運之度數日躔之次舍古曆家之所取驗者因其度數次舍所在而妖祥見焉則所屬之分可徵矣

明洪武天文分野書斗三度至女一度星紀之次也直隸所屬之應天太平寧國鎮江池州徽州常州蘇州松江九府暨

廣德州屬斗分鳳陽府壽滁六安三州泗州之盱眙天長二  
縣揚州府高郵通泰三州廬州府無爲州安慶府和州皆斗  
分淮安府斗牛分浙江布政司所屬之杭州湖州嘉興嚴州  
紹興金華衢州處州寧波九府皆牛女分台州温州二府斗  
牛須女分江西布政司所屬皆斗分福建布政司所屬皆牛  
女分廣東布政司所屬之廣安府亦牛女分惠州女分肇慶  
南雄二府德慶州皆牛女分潮州府牛分雷州瓊州二府崖  
儋萬三州高州府化州廣西布政司所屬梧州府之蒼梧藤  
岑溪容四縣皆牛女分女二度至危十二度元枵之次也山  
東布政司所屬之濟南府樂安德濱三州皆危分泰安州青  
州府皆虛危分萊州府膠州登州府寧海州東昌府高唐州

皆危分東平州之陽穀東阿平陰三縣北平布政司所屬之  
滄州皆須女虛危分危十三度至奎一度媿訾之次也河南  
布政司所屬之衛輝彰德懷慶三府北平之大名府開州山  
東東昌之濮州館陶冠臨清三縣東平州之汶上壽張二縣  
皆室壁分奎二度至胃三度降婁之次也山東濟寧府之兗  
州滕嶧二縣青州府之莒州安邱諸城蒙陰三縣濟南府之  
沂州直隸鳳陽府之泗邳二州五河虹懷遠三縣淮安府之  
海州桃源清河流陽三縣皆奎婁分胃四度至畢六度大梁  
之次也北平之眞定府昴畢分定冀二州皆昴分晉深趙三  
州皆畢分廣平順德二府皆昴分邢州昴畢分河南彰德府  
之磁州山東高唐州之恩縣山西布政司所屬之大同府應

朔渾源蔚四州皆昇畢分畢七度至井八度實沈之次也山西之太原府石沂代平定保德岢嵐六州平陽府皆參分絳蒲吉隰解霍六州皆鶯參分澤汾二州皆參分潞沁遼三州皆參井分井九度至柳三度鶯首之次也陝西布政司所屬之西安府同華乾耀邠五州鳳翔府隴州延安府鄜綏德葭三州漢中府金州臨洮平涼二府靜靈州皆井鬼分涇州鬼分慶陽府靈州鞏昌府階徽秦三州皆井鬼分四川布政司所屬惟緜州鶯分合州參井分餘皆井鬼分雲南布政司所屬皆井鬼分柳四度至張十五度鶯火之次也河南之河南府陝州皆柳分南陽府鄧汝裕三州汝靈府之信陽羅山二縣開封府之均許二州陝西西安府之商縣華州之洛南縣

湖廣布政司所屬德安府之隨州襄陽府之均州光化縣皆張分張十六度至軫九度鶉尾之次也湖廣之武昌府興國州荊州府歸夷陵荆門三州黃州府蘄州襄陽德安二府安陸沔陽二州皆翼軫分長沙府軫房小星曰長沙應其地衡州府桂陽州永州府全道二州岳州常德二府澧州辰州府沅州漢陽府靖鄉二州寶慶府武岡鎮遠二州皆翼軫分廣西所屬除梧州府之蒼梧藤容岑溪四縣屬牛女分餘皆翼軫分廣東之連州廉州府欽州韶州府皆翼軫分軫十度至氐一度壽星之次也河南之開封府角亢分鄭州氐分陳州亢分汝寧府光州懷慶府之孟濟源温三縣直隸壽州之霍邱縣皆角亢氐分氐二度至尾二度大火之次也河南開封



府之杞太康儀封蘭陽四縣歸德睢二州山東之濟寧府皆房心分直隸鳳陽府之潁川房分徐宿二州壽州之蒙城縣潁州之亳縣皆房心分尾三度至斗二度析木之次也北平之北平府尾箕分涿通薊三州皆尾分霸州保定府皆尾箕分易安二州皆尾分河間府景州皆尾箕分永平府尾分灤州尾箕分遼東都指揮司尾箕分朝鮮箕分

漢晉天文分野皆始角氐亢以東方蒼龍爲首也唐始女虛危以十二支子爲首也明始斗牛以星紀爲首也古言天者皆由斗牛以紀星故曰星紀

六典通考卷一百四十二

湖西閣鎮珩輯

司天考

雲氣

古者分至啟閉必書雲物後世其法寢備瑞氣則有慶雲光昌之屬祇氣則有虹蜺祥雲之類以候天子之符應驗歲事之豐凶明賢者之出處占戰陣之勝負焉

魯僖公五年春王正月辛亥朔日南至公既視朔遂登觀臺

以望而書禮也

視朔親告朔也觀臺臺上構屋可以遠觀者也朔旦冬至歷數之所始治歷者因此則可

以明其術數審別陰陽敘事訓民

凡分至啟閉必書雲物

物氣色災變也

易通卦

驗曰冬至初陽雲出箕如樹木之狀立春青陽雲出房如積

水春分正陽雲出軫如白鵠穀雨太陽雲如張如車蓋立夏  
初陰雲出觜如赤珠夏至少陰雲如水波寒露正陰雲如冠  
纓霜降太陰雲出上如羊下如礮石 洛書曰蒼帝起青雲  
扶日赤帝起赤雲扶日黃帝起黃雲扶日白帝起白雲扶日  
春秋文曜鉤曰楚有蒼雲如霓圍軫七蟠中有荷斧之人  
向軫而蹲太史唐勒以葭灰遺於地乃更滅拂之其蒼雲爲  
之半滅又遺灰乃盡去之故曰唐史之策上滅蒼雲 凡望  
雲氣仰而望之三四百里平望在桑榆上千餘里二千里登  
高而望之下屬地者居三千里雲氣有戰居上者勝自華以  
南氣下黑上赤嵩高三河之郊氣正赤常山以北氣下黑上  
青勃碣海岱之間氣皆黑江淮之間氣皆白徒氣白土功氣

黃車氣乍高乍下往往而聚騎氣卑而布卒氣搏

搏專也

前卑

而後高者疾前方而後高者銳後銳而卑者卻其氣平者其行徐前高後卑者不止而反氣相遇者卑勝高銳勝方氣來

卑而循車道者不過三四日去之五六里見氣來高七八尺

者三四十日去之五六十里見捎雲精白者其將悍其士怯其大根而前絕遠者戰精白其芒低者戰勝其前赤而印者

戰不勝

晉志凡天地四方昏濛若下塵十日五日已上或

一月或一時雨不沾衣而有土名曰霾故曰天地霾君臣乖

凡海旁蜃氣象樓臺廣野氣成宮闕北夷之氣如牛羊羣畜

穹廡南夷之氣類舟船幡旗自華以南氣下黑上赤嵩高三

河之郊氣正赤恆山之北氣青勃碣海岱之間氣皆正黑江

淮之間氣皆白東海氣如員登附漢河水氣如引布江漢氣  
勁如杼濟水氣如黑狔渭水氣如狼白尾淮南氣如白羊少  
室氣如白兔青尾恆山氣如黑牛青尾東夷氣如樹西夷氣  
如室屋南夷氣如闔臺或類舟船陣雲如立垣杼柚雲類軸  
搏兩端兌灼雲如繩居前亘天其半半天其翬者類闕旗故  
鉤雲句曲諸此雲見以五色占而澤搏密其見動人及有兵  
必起合闕其直雲氣如三疋帛廣前銳後大軍行氣也韓雲  
如布趙雲如牛楚雲如日宋雲如車魯雲如馬衛雲如犬周  
雲如車論秦雲如行人魏雲如鼠鄭雲如絳衣越雲如龍蜀  
雲如困校騎之氣正蒼黑長數百丈遊兵之氣如彗掃一云  
長數百丈無根本喜氣上黃下赤怒氣上下赤憂氣上下黑

凡候氣初出時若雲非雲若霧非霧髮髻若可見初出時  
然若桑榆上高五六尺者是千五百里外平視則千里舉目  
望卽五百里仰瞻中天卽百里內平望桑榆間二千里登高  
而望下屬地者三千里敵在東日出候之在南日中候之在  
西日入候之在北夜半候之軍上氣高滕下厚滕薄實滕虛  
長滕短澤滕枯氣見以知大占期內有大風雨久陰則災不  
成凡連陰十日晝不見日夜不見月亂風四起欲雨而無雨  
名曰蒙臣有謀霧氣若晝若夜其色青黃更相奄冒乍合乍  
散亦然視四方常有六雲五色具者其下賢人隱也青雲潤  
澤蔽日在西北爲舉賢良雲氣如穰大風將至視所從來雲  
甚潤而厚大雨必暴至四始之日有黑雲氣如陣厚大重者

多雨氣若霧非霧衣冠不滯見則其城帶甲而趣日出沒時  
有霧雲橫接之白者喪烏者驚三日內雨者各解有雲如蛟  
龍所見處將軍失魄有雲如鵠尾來蔭國上三日亡有雲赤  
黃色四塞終日竟夜照地者大臣縱恣有雲如氣味而濁賢  
人去小人在位 凡雲氣有獸居上者勝軍上有氣如塵埃  
前下後高者將士精銳敵上氣如乳武豹伏者難攻軍上恆  
有氣者其軍難攻軍上雲如華蓋者勿往與戰雲如旌旗如  
蜂向人者勿與戰兩軍相當敵上有雲如飛鳥徘徊其上或  
來而高者兵精銳不可擊軍雲上如馬頭低尾仰勿與戰軍  
上雲如狗形勿與戰望四方者有氣如赤烏在烏氣中如烏  
人在赤氣中如赤杼在烏氣中如人十五五或如旌旗在

烏氣中有赤氣在前者敵人精悍不可當敵上有雲如山不可說有雲如引素如陣前銳或一或四黑色有陰謀赤色飢青色兵有反黃色急去

漢武帝時汾陰得寶鼎迎至甘泉宮黃雲蓋其上天漢三年月氏國獻神香使者曰國有常占東風入律百旬不休青雲于呂連月不散意中有好道之君故貢神香宣帝祠甘泉紫雲從西北來散於殿前

後漢光武封太山雲氣成宮闕百官並見之明帝永平二年春正月升靈臺望元氣觀物變

魏文帝生於沛縣譙國時有雲氣青色圓如車蓋當其上終日望氣者以爲至貴之證非人臣之氣



晉永興元年十二月壬寅夜有赤氣亘天砰隱有聲二年十月丁丑赤氣見北方東西竟天占曰並爲大兵砰隱有聲怒之象也是後四海雲擾九服交兵光熙元年十二月甲申有白氣若虹中天北下至地夜見五日乃滅占曰大兵起明年王彌起青徐汲桑亂河北毒流天下永嘉三年十二月乙亥有白氣如帶出南北方各二起地至天貫秦伐中占曰天下大兵起四年三月司馬越收繆胤等又三方雲擾攻戰不休五年三月司馬越死於寧平城石勒攻破其衆死者十餘萬六月京都焚滅帝如虜庭建興元年十月己巳夜有赤氣曠於西北荊州刺史陶侃討杜弼之黨於石城戰敗

宋高祖北征至洛陽常有紫雲見於軍上孝康建元二年二

月乙未日有雲如錦文光色潤澤

北魏世祖在江州起義建身軍有紫雲二段落於身上

唐肅宗自奉天而北夕次承壽有白雲起西北長數丈如樓閣之狀識者以爲天子之氣貞元壬午有五色雲見長安太史張璠曰在宋分一百六十年有聖人興其地至天成丁亥宋祖生洛陽

宋乾德三年七月己卯夜西方起蒼白氣長五十尺貫天船五車亘井宿占曰主兵動六年十月己未旦西北起蒼白氣三道長二十尺趨東散占曰游兵之象至道二年二月丙子夜西方有蒼白氣長短八道如彗掃榻經天漢參錯如交蛇占曰所見之方主兵勝祥符元年封太山十月壬辰天文院

言紫雲如蓋黃雲如龍鳳青雲如竹木名梢雲熙寧二年七月甲申日下有五色雲元祐三年七月戊辰夜西北有白氣經天主兵宜防西北二鄴元符二年九月戊辰夜有白氣十道各長五尺主兵及大臣黜崇寧二年五月戊子夜蒼白氣起東南方長三丈貫尾箕斗主蠻夷入貢舊臣來歸政和三年四月庚子白雲自北直徹中天漸成五色如華蓋宣和三年九月壬午夜蒼白氣長三丈貫月主其下有亂者乾道九年十月壬申喬雲見

金太祖之生也常有五色雲氣若二千斛困廩之狀屢見東方遼司天孔致和曰其下當生異人建非常之事天以象告非人力所能爲也天德二年十二月乙卯塵雲見狀如鸞鳳

五彩大定七年閏七月己卯午刻慶雲環日八月辛亥亦如  
之二十三年十月己未慶雲見於日側興定三年七月庚申  
五色雲見十月乙丑平涼府慶雲見遣官驗實以告太廟五  
年正月山東行省蒙古綱奏慶雲見命圖以進正大三年三  
月庚午省前有氣微黃自東北亘西南狀如虹中有白物十  
餘往來飛翔又有光如二星移時方滅

明洪武四年四月辛丑五色雲見

統洪武之時  
凡四十三見

永樂元年六

月甲寅日下五色雲見八月壬申日珥隨五色雲見八年二  
月庚戌車駕次永安甸日下五色雲見十一年六月戊申朔  
武當山頂五色雲見十七年九月丙辰十二月癸未慶雲見

二十二年十一月丙戌月下五色雲見洪熙元年二月癸酉  
庚辰三月乙未俱五色雲見宣德元年八月庚辰白雲起東  
南如羣羊驚走十一月丙辰北方有蒼白雲東西竟天二年  
十一月乙未日下五色雲見四年戊子夜五色雲見六年二  
月壬子昏西方有蒼白雲南北竟天十年三月丁亥月生五  
色雲正統二年七月庚子如之十月己丑日生五色雲十二  
月癸亥如之三年七月己亥夜中天有蒼白雲南北竟天貫  
南北斗八年十一月戊辰夜東南方有蒼白雲東西亘天九  
年十一月甲午月生五色雲十年九月丁酉十一月甲午並  
如之十四年十月庚申晝生蒼白雲復化爲三東西南北竟  
天景泰元年六月乙酉赤雲四道兩頭銳如耕壠狀徐徐東

北行而散八月甲戌黑雲如山化作龍虎麋鹿狀九月丙寅  
蒼白氣南北亘天二年六月戊寅日上五色雲九月辛酉夜  
蒼白雲三東西竟天三年正月癸亥東南有黑雲如人戴笠  
而揖四年十一月丁卯月生五色雲天順二年十月壬申四  
年十月戊午亦如之成化三年三月辛未白雲起南方東西  
竟天十一年正月丙寅月生五色雲十八年十月庚午五色  
雲見於秦陵二十一年閏四月壬辰開濮二州清豐金鄉黑  
雲起西北化爲五色須臾晦弘治二年正月辛巳日生五色  
雲十四年三月己酉朔嘉靖十七年九月戊子並如之十八  
年二月庚子朔日下五色雲見形如龍鳳萬曆五年六月庚  
辰祥雲繞月天啟四年六月己巳南方五色雲見

風占

晉人聞有楚師師曠曰不害吾驟歌北風又歌南風南風不  
競歌者吹律以詠八風南風者徵故曰不競多死聲楚必無功 春秋考異郵曰  
陽立於五極于九五九四十五且變以陰合陽故八卦主八  
風相距各四十五日艮爲條風震爲明庶風巽爲清明風離  
爲景風坤爲涼風兌爲闐闐風乾爲不周風坎爲廣莫風  
易通卦驗云冬至廣莫風十二月大寒小寒皆不見風至立  
春條風至雨水猛風至二月京蟄不見風至春分明庶風至  
清明雷鳴雨下清明風至玄鳥來穀雨不見風立夏清明風  
至小滿不見風五月芒種不見風大暑不見風立秋涼風至  
處暑不見風白露不見風秋分涼風至寒露霜降皆不見風

立冬不周風至小雪大雪皆不見風 洪範五行傳曰思心  
之不睿是謂不聖厥咎霧厥罰愷風魯釐公十六年六鷗退  
蜚過宋都左氏傳曰風也劉歆以爲風發於它所至宋而高  
鷗高蜚而逢之則退經以見者爲文故記退蜚傳以實應著  
言風常風之罰也象宋襄公區籀自用不容臣下逆司馬子  
魚之諫而與彊楚爭盟後六年爲楚所執應六鷗之數云京  
房易傳曰潛龍勿用衆逆同志至德迺潛厥異風其風也行  
不解物不長雨小而傷政悖德隱茲謂亂厥風先風不雨大  
風暴起發屋折木守義不進茲謂耄厥風與雲俱起折五穀  
莖臣易上政茲謂不順厥風大焱發屋賦斂不理茲謂禍厥  
風絕經紀止卽溫溫卽蟲侯專封茲謂不統厥風疾而樹不



搖穀不成辟不思道利茲謂無澤厥風不搖木旱無雲傷禾  
公常於利茲謂亂厥風微而溫生蟲蝗害五穀棄正作淫茲  
謂惑厥風溫螟蟲起害有益人之物侯不朝茲謂叛厥風無  
恆地變赤而殺人

漢文帝二年六月淮南王都壽春大風毀民室殺人劉向以  
爲是歲南越反攻淮南邊淮南王長破之後年入朝殺漢故  
丞相辟陽侯上赦之歸聚姦人謀逆亂自稱東帝見異不寤  
後遷於蜀道死癘文帝五年吳暴風雨壞城官府民室時吳  
王濞謀爲逆亂天戒數見終不改寤後卒誅滅五年十月楚  
王都彭城大風從東南來毀市門殺人是月王戊初嗣立後  
坐淫削國與吳王謀反刑僂諫者吳在楚東南天戒若曰勿

與吳爲惡將敗市朝王戊不寤卒隨吳亡昭帝元鳳元年燕王都薊大風雨拔宮中樹七圍以上十六枚壞城樓燕王且不寤謀反發覺卒伏其辜

後漢永初元年大風拔樹時鄧太后攝政以清河王子年少立之是爲安帝不立皇太子勝後安帝親譏廢免鄧氏令郡縣迫切死者八九人家三破壞此爲警懼也是後西羌大亂涼州十餘年建寧二年四月癸巳京都大風雨雹拔郊道樹十圍已上百餘枚其後屢迎氣東郊道於維水西橋逢暴風雨鹵簿車或廢蓋百官當濡還不至郊使有司行禮

魏嘉平元年正月壬辰朔西北大風發屋折木昏塵蔽天按管輅說此爲時刑大臣執政之憂也時曹爽區瞞自專驕僭

過度天戒數見終不改革此思心不愆恆風之罰也後踰旬

而爽等滅

吳建興元年十二月丙申大風震電是歲魏遣大

格又攻新城喪衆大半還伏誅永安元年十一月甲午風四

轉五侯宗務連日時孫繼一門五侯權傾吳主風霧之災與

漢五侯丁侍同應也十二月丁卯

夜又大風發木揚沙明日緝誅

晉太康九年正月京都風雹發屋拔木後二年宮車晏駕元

康五年九月雁門新興太原上黨災風傷稼明年氏羌反叛

大兵西討九年六月颶風吹賈謚朝服飛數百丈明年謚詐

是年十一月甲子朔京都連大風發屋折木十二月太子廢

永康元年二月大風拔木三月愍懷被害己卯喪柩發許還

洛是日大風雷電蟬蓋飛裂四月張華第舍颶風折木飛緒

軸六七是月華遇害十一月朔大風從西北來折木飛石明

年正月趙王倫篡位永興元年正月癸酉祠太廟災風暴起  
塵沙四合其年四月倫伏辜永昌元年八月暴風壞屋拔御  
道柳樹百餘株其風縱橫無常若風自八方來者十一月宮  
車晏駕咸康四年三月壬辰成都大風發屋折木四月李壽  
襲殺李期升平元年八月丁未策立皇后何氏是日疾風太  
元二年六月長安大風拔符堅宮中樹其後堅再南伐身戮  
國亡元興二年二月甲辰大風雨大航門屋瓦飛落明年桓  
玄篡位由此閉入先是玄遊大航南飄風飛其輶輓蓋三月  
玄敗五月江陵大風折木是月桓玄敗於崢嶸洲身亦屠裂  
義熙六年五月壬申大風拔北郊樹樹幾百年也琅邪揚州  
二射堂倒壞是日盧循大艦漂沒甲戌又風發屋折木是冬

三帥南討

宋景平二年正月朔日暴風發殿庭會翻揚數十丈五月帝廢元嘉三十年正月大風拔木雨凍殺牛馬雷電晦冥二月宮車晏駕大明七年風吹初寧陵隊口左標折鍾山通天臺新成飛倒散落山澗明年閏五月帝崩

梁天監六年八月大風折木京房易飛候曰角曰疾風天下昏不出三月中兵必起是歲魏軍入鍾離承聖三年十一月癸未帝閱武於南城北風大急普天昏闇洪範五行傳曰人君瞽亂之應時帝既平侯景公卿咸勸帝反丹陽帝不從又多猜忌有瞽亂之行故天變應之以風是歲爲西魏滅

陳天嘉六年七月癸未大風起西南吹倒靈臺候樓洪範五

行傳以爲大臣專恣之咎時太子冲幼安成王瑒專政帝不  
時抑損明年崩皇太子嗣位瑒遂廢之太建十二年六月壬  
戌大風吹壞皋門中閣十二年九月夜大風發屋拔樹始興  
王叔陵專恣之應禎明三年六月丁巳大風自西北激濤水  
入石頭堆是時後主任司馬申誅戮忠諫沈客卿施文慶專  
行邪僻江總孔範等崇長淫縱杜塞聰明脅亂之咎

後齊神武戰於芒山有風自西北來入營李業興曰小人風  
來必勝果如言河清二年大風三旬乃止時佞臣和士開專  
恣天統三年五月大風晝晦發屋拔樹天變再見而帝不悟  
明年帝崩後主詔內外表奏皆先詣士開然後聞徹趙郡王  
叡馮翊王潤按士開驕恣不宜居內職反爲士開所譖叡竟

坐死士開出入宮掖生殺在口尋爲琅邪王儼所誅

隋仁壽二年西河有胡人乘騾在道忽爲迴風所飄并一車  
上千餘尺乃墜皆碎後二年漢王諒在并州潛謀逆小人乘  
騎之象升空而墜顛隕之應天戒若曰當覆敗而諒不悟及  
高祖崩諒發兵反州縣響應月餘而敗

唐武德二年十二月壬子大風拔木易巽爲風重巽以申命  
其及物也象人君誥命其鼓動於天地間有時飛沙揚塵怒  
也發屋拔木者怒甚也其占大臣專恣而氣盛眾逆同志君  
行蒙暗施於事則皆傷害故常風又飄風入宮闕一日再三  
若風聲如雷觸地而起爲兵將興神龍元年三月乙酉睦州  
大風拔木崔玄暉封博陵郡王也大風折其輅蓋開元二年

六月京師大風發屋大木拔者十七八四年六月辛未京師  
陝華大風拔木十四年六月戊午大風拔木發屋端門鴟尾  
盡落端門號令所從出也元和三年四月壬申大風毀含元  
殿闕檻二十七間占爲兵起四年十月壬午天有氣如煙臭  
如燔皮日暎大風而止五年三月丙子大風毀崇陵上宮衙  
殿鴟尾及神門戟竿六壞行垣四十間八年六月庚寅京師  
大風雨毀屋飄瓦人多壓死者十二年春青州一夕暴風自  
西北天地晦冥空中有若旌旗狀屋瓦上如蹂躪聲有日者  
占之曰不及五年茲地當大殺戮太和八年六月癸未暴風  
壞長安縣署及徑行寺塔四月辛丑大風拔木萬株墮含元  
殿四鴟尾拔殿廷樹三槐金吾仗舍發城門樓觀內外三十



餘所光化門西城十數雉壞咸通六年十一月己卯晦潼關夜中大風山如吼雷河噴石鳴羣鳥亂飛重關傾側

宋天禧四年四月丁亥大風起西北飛沙折木晝晦數刻五月乙卯暴風起西北有聲折木吹沙黃塵蔽天占並主陰謀姦邪是秋內侍周懷坐妖亂伏誅景祐元年九月甲寅夜漏上風自丑起有聲擺木鳴條二年六月戊寅平明風自未來占者以爲百穀豐衍之候嘉祐二年正月元日平旦有風從東北來徧天有蒼黑雲占云大熱多雨建炎元年正月辛卯朔大風霾丁酉風霾日色薄而有暈二月丁酉汴京風霾日無光是日張邦昌僭位二年七月癸未風雨晝晦是日東京留守宗澤薨

金大安三年二月乙亥夜大風從西北來發屋折木吹清夷門關折是歲有男子郝贊詣省言上卽位之後天變屢見火焚萬家風折門關非小異也宜退位讓有德有司問爾狂疾乎贊大言曰我不狂疾但爲社稷計宰相皆非其言每日省前大呼凡半月上怒誅之隱處崇慶元年七月辛未未時有風從東來吹帛一段高數十丈宛轉如龍墜於拱辰門內是歲河東陝西山東南京諸路旱

元至正二十一年正月癸酉石州大風拔木六畜皆鳴人持槍矛忽生火焰抹之卽無搖之卽有二十四年台州路黃巖州海溢颶風拔木禾盡偃二十七年三月庚子京師有大風起自西北飛砂揚礫昏塵蔽天逾時風勢八面俱至終夜不

止如是者連日自後每日寅時風起萬竅爭鳴戌時方息至五月癸未乃止

明建文元年七月癸酉燕王起兵風雲四起咫尺不辨人少焉東方露青天尺許有光燭地洞徹上下天順二年二月暴風拔孝陵松樹懿文陵殿獸脊梁柱多摧三年四月順天河間真定保定廣平濟南連日烈風麥苗盡敗成化十四年八月丁未南京大風拔太廟樹十五年八月辛卯大風拔孝陵木二十一年五月南京大風拔太廟樹推大祀殿及皇城各門獸吻正德元年六月辛酉暴風折郊壇松柏壞大祀殿齋宮獸瓦二年閏正月癸亥盧龍遷安大風拔樹毀瓦乙丑大風壞奉天門右吻嘉靖元年七月己巳南京暴風雨郊社陵

寢宮闕城垣獸吻青欄皆壞拔樹萬餘株五年陝西屢發大風捲掣廟宇民居百數十家了無踪跡天啟元年三月辛亥大風揚塵四塞四年五月癸亥乾清宮東丹墀旋風驟作內官監鐵片大如屋頂者盤旋空中隕於西墀鏗訇若雷

論曰傳稱迅雷風烈必變蓋言君子畏天之誠隨事致謹見物有反常爲變而失其本性者則必思其所以致此之由而加戒懼焉雖細微不敢或忽及後世學者專爲災異之說指事立應有若影嚮至其難合則旁引曲取而遷就其說自漢儒董仲舒劉向向子歆皆以春秋洪範爲學而失聖人本意其言之支離而不能相通也往往父子之間自相違戾可不謂大惑哉昔者箕子陳

禹洪範之書條其事爲九類別其說爲九章謂之九疇考其說初不相附屬而何爲五行傳乃取其五事皇極庶證附於五行以爲人事皆屬五行歟則致於八政五紀三德稽疑福極之類又不能附至俾洪範之書失其倫理豈非所謂旁引曲取而遷就其說者乎班固不悟其非更推演而爲五行志晉宋以來載筆之臣莫能易也迹其所云祥眚禍疴之說自爲數術一家之學故節存其一二以待深識博聞之士有以考而擇焉